

146 *Relation de la Nouvelle France*

en vn quartier à part, commandans aux ieunes Montagnais de coucher à l'entrée des cabanes, qu'ils fermoient contre leurs coustumes; car iour & nuit les cabanes sont ouuertes, n'ayans le plus souuent qu'vne peau volante pour toute porte. Ils attachoient aussi des sonnettes aux autres endroits par où on pouuoit entrer, afin que ce bruit reueillast ceux qui seroient dans la cabane, & que ces impudens se voyans découuerts, s'en retournassent sans passer plus auant: les autres canots qui vinrent du Sague & d'autres quartiers, apporterent des hommes bien plus modestes, des esprits plus posez; en vn mot des ames auxquelles il semble qu'il ne manque qu'vn peu de secours temporel, pour estre predestinées. Quelques vns d'eux ayans ouy parler des grands biens de l'autre vie, & des horribles tourmens qui sont preparez aux Infideles, disoient au Pere; Que ne venez-vous nous instruire en nostre pays? Vous faites plusieurs iournées de chemin, pour courir apres des peuples qui vous fuyent, qui sont remplis de superstitions; en vn mot qui vous méprisent, & qui vous haïssent; & vous nous abandonnez, nous autres qui sommes quasi à vostre porte,